

## Panduan Keselamatan

Patuhilah panduan-panduan berikut untuk meningkatkan tahap keselamatan anda:

- Lakukan semua pemeriksaan rutin dan biasa yang dinyatakan dalam manual ini.
- Matikan enjin dan jauhan daripada percikan api atau api yang sedang membakar sebelum mengisi minyak.
- Jangan menghidupkan enjin di tempat yang tertutup atau separuh tertutup. Gas karbon monoksida yang terkandung pada ekzos adalah beracun dan mungkin akan membunuh anda.

### Sentiasa Memakai Topi Keledar

la adalah satu fakta yang telah terbukti: topi keledar dan pakaian perlindungan nyata sekali dapat mengurangkan bilangan dan kecederaan teruk di kepala dan kecederaan lain. Oleh itu sentiasalah memakai topi keledar kenderaan yang diluluskan dan pakaian perlindungan. **MS. 6**

### Sebelum Menunggang

Pastikan anda cergas, memberi tumpuan mental dan bebas daripada alkohol dan dadah. Periksa sama ada anda dan penunggang belakang telah memakai topi keledar yang telah diluluskan dan pakaian perlindungan. Pastikan penunggang belakang memegang pemegang belakang ataupun pada pinggang anda, bersandar mengikut anda semasa membelok, dan sentiasa meletakkan kaki pada peletak kaki walaupun kenderaan telah berhenti.

### Belajar & Berlatih Dengan Secukup Masa

Walaupun anda pernah menunggang kenderaan lain, amalkan menunggang di kawasan yang selamat untuk membiasakan diri dengan bagaimana kenderaan berfungsi dan mengendalikannya, dan membiasakan diri dengan saiz dan berat kenderaan.

### Penunggangan Defensif

Sentiasa memberi perhatian pada kenderaan di sekitar dan jangan mengangap pemandu lain telah pun nampak anda. Sentiasa bersedia untuk menghentikan kenderaan anda atau mengelak sesebuah kenderaan.